

Partido Hubentud Treciendo Cambio (HTC) a haci nan entrega di "e lista ganado"



1. Gilbert Webb
2. Victor Rosario
3. Lino Croes
4. Roberto Tromp

Ayera mainta, e prome partido cu a haya beurt pa haci entrega di lista tabata HTC unda su lider, Gilbert Webb a sigura cu e entrega di e "lista ganado" a bay hopi bon y cu nan ta bay conta cu cuatro candidato den eleccion aki.

"E biaha aki e cantidad no ta importante, e calidad ta importante y esaki ta na unda partido HTC ta actualmente cu aworaki a caba di entrega e lista oficial na electorale raad y aworaki e trabou ta bay cuminsa unda diluna ta cuminsa e dia di firmamento y nos ta firme pa 586 firma pa por participa na eleccion," Webb a sigura.

Den su pensamiento, Webb ta señala cu un partido por bay por 29 hende riba nan lista "pero na final tur di nan no ta drenta, e ora ey nos kier bay cu personanan cu ta bon den esaki den e parti di representa pueblo y tene pueblo na curason cu kier haci nan esfuerso pa yuda e pueblo di Aruba." Pa por forma parti di partido HTC, Webb a señala cu nan partijd bestuur ta esnan encarga di haci screening, nan ta pidi papel di buena conducta, nan ta controla diferente social media y na final, nan ta tuma e decision si e persona aki ta cualifica pa subi riba nan lista "pasobra bo no kier mira un otro corrupcion den gobierno," el a sigura. Den eleccion 2021, Gilbert Webb a haya 154 voto, Michelangelo Celestijn ken tabata den number 2 a haya 23 voto y Latoyer Briggs ken no ta participa den eleccion aki pa motibo cu ta estado, a haya 28 voto y tabata number 3 den e lista.

Partido Cristiannan Uni Reforsando e Potencial di Aruba (CURPA): "Piscamento mester bira un pilar economico"



1. Eric Ras
2. Arondino Croes
3. Ashan Tromp
4. Max Robert
5. Janeth Orozco
6. Lawrence Hector
7. Renato Vrolijk

Lider di partido Curpa, Eric Ras ayera mainta a sigura cu nan ta contento di por a logra crea un lista di 7 candidato unda nan ta kere cu e eleccion di e biaha aki "ta bay ta diferente."

Partido Curpa ta bin proyectando for di 2021 y esey a haci un diferencia "cu ora bo ta cana den pueblo, bo ta nota cu e hendenan ta hopi mas habri di lo cual tabata 3 of 4 aña pasa. Pa loke ta trata proyecto, Ras a sigura cu si nan ta drenta gobiernu nan kier enfoca riba e grandinan "nos grandinan mester di miho calidad di bida, nan ta den pension caba pero nan por disfruta di lo cual cu nan a traha pe pa mas di 40 aña, esey pa mi ta primordial." Pa loke ta trata economia, Ras a expresa cu Aruba no por keda carga turismo solamente "nos ta mira cu turismo ta wordo pluma y tur medida riba turismo tin chens cu nos ta core cu nan en bes di trece mas, mester bin mas pilar economico caminda e isla lo haya mas entrada," el a bisa.

Ras ta kere cu tambe mester cuminsa haci e tereno di refinaria limpi, drecha e waf, piscamento mester bira un dia e pilarnan economico di Aruba, nos ta rondona di lama, otro paisnan ta exporta pisca y akinan nos piscanan ta caro y mi ta kere cu esey ta un proyecto cu hiba un par di miyon pero e ta un logro si nos ta haci'e."

Pa loke ta trata medio ambiente, el a bisa cu e dump mester wordo cambia, "mester bin cambionan granndi riba e parti ey, pasobra Aruba ta sushi completo y mi ta kere cu mester pone man na obra."

Movimiento Arubano Soberano (MAS) : "E reto tambe ta pa combati iregularidad den aparato gubernamental"



1. Marisol Tromp
2. Aquanette Gunn
3. Gilmar Werleman
4. Armand Kelly
5. Dr. Michel Mungra
6. Jamal Khan
7. Arthur La Moria

Partido MAS ayera mainta a haci entrega di nan lista di candidatonan hunto cu tur e documento oficial pa asina nan por participa den eleccion 2024 caminda Marisol Tromp a bisa cu nan "ta e partido cu lo bay ehecuta y vocifera pa pueblo den parlamento."

Esaki ta di dos biaha cu nan ta participa cu partido MAS, unda eleccion di 2021 Tromp a haya 4.191 voto y el a sigura cu tin 27 aña den politica "suficiente experiencia pa enfrenta e retonan cu Aruba tin, nos sa cu e tempo nos dilanti no ta facil, pero asina mes mi a scoge pa tin un lista no di 29 candidato. Mi no ta kere den concepto ey mas, nos ta wak cuanto problema esey por trece cune no solamente ora di formacion di lista, pero experiencia a muestra mi cu ta importante pa bo tin un tema capacita pa duna aporte pa pais Aruba." Pa loke ta trata e caso di ex-ministernan cu a retira tanto pa parlamento como pa a bira sospechoso den casonan di investigacion penal, Tromp a señala cu esaki "ta un desaroyo na Aruba cu claro ta di lamenta, sea ta parlamentario of minister, pero di otro banda bo ta wak cu enfoke ta asina aworaki na trece un transparencia y un manera di governa si tin e tipo di problemanan ey." Den su pensamiento, ta depende di ken ta den e lista di partidonan politico y ken di nan ta drenta parlamento pa hisa e nivel "pasobra bo no mag di bay na e nivel ey cu nos ta wak'e lamentablemente den ultimo añanan. Esey ta depende aworaki di ken ta bira presidente di parlamento den un proximo periodo cu por lidera y guia e parlamento pa trece mas union."

Movemento Indigena Arubano (MIA): "Nos ta para pa proteccion di nos teritorio, proteccion di nos identidad."



1. Helena Croes.
2. Marlo Maduro.
3. Maria van den Ham.
4. Jessica Caous-Wernet.
5. Albertico de Cuba

Helena Croes ken ta lider di MIA ayera a bisa cu nan ta para pa "proteccion di nos teritorio, proteccion di nos identidad y auto determinacion di e pueblo ta indigena di Aruba," el a sigura.

Esaki ta pa motibo cu nan no ta di acuerdo pa sigui construi mas hotel na Aruba "nos no kier mas permiso, nos no kier pa nan sigui kibra nos tera tampoco, tampoco nos kier pa ni un stranhero cumpira real state na Aruba," Croes a declara. Dia 22 di April 2024, Partido Movemento Indigena Arubano a keda registra na Electorale Raad. Lider di MIA ta mr. drs. Helena Croes (Hellen). Den un comunicado di prensa, e partido a indica cu nan meta ta pa proteha e derecho di tur Indigena Arubano. "Nos definicion di ken ta cay bao indigena Arubano ta tur persona cu por demostra cu tin un ancestro f/m naci na Aruba den siglo 18 y/of siglo 19," a indica. Croes a sigura cu nan tin un lista di cinco candidato y pa forma e lista aki mester tin e liña di indigena, mester kere den nan causa "y bo no mag di ta cobarde," el a sigura. Nan sa cu nan miembronan tin e liña indigena pa motibo cu e prome habitantenan cu a yega Aruba, un di nan ta di fam Maduro, manera un di nan miembronan y "esey kiermen nos ancestronan ta indjan, ta indjan tabata e tempo ey na Aruba," Croes a bisa. El a afirma cu si nan ta yega di haya un asiento den eleccion aki "nos ta pensando ainda, pasobra si bo wak bon tur dos a haci corrupcion y tur dos no tabata integro, si nos bay cu nan e ta manera cu nos ta bisa wel, a nos tambe ta gusta corrupcion," el a declara.

Partido Union y Prosperidad pa Pueblo (UPP): "Nos lo kier enfoca riba cunukeronan cu no ta haya atencion nunca"



1. Giovanni Trim
2. Fred de Jong
3. Pieter Weert
4. Halligan Riley

Den entregamento di lista ayera mainta, partido UPP y su lider Giovanni Trim a sigura cu nan tin cuatro candidato fuerte "cuatro leon cu ta bay trece un diferencia na Aruba, conscientemente nos a opta pa tin cuatro candidato pasobra manera otro partidonan ta haci, cu tin mas candidato, nan no ta busca calidad mas sino cantidad." el a bisa.

Den su pensamiento, Trim ta declara cu nan "ta cla pa governa Aruba y saca Aruba for di bomboshi" nan tin un programa unda cu tur hende por subi riba nan website y wak'e "boso ta bay wak kico nos ta bay haci cu Aruba, con nos ta bay baha costo di bida, con nos ta bay drecha bida di nos pensionadonan, con nos ta bay percura pa tur hende por yega facilmente na un cas y tambe nan ta bay enfoca riba con pa drecha bida di nos migrantenan cu ta wordo maltrata na Aruba," el a sigura.

Den su opinion, Trim a enfatisa cu Aruba tin hopi problema "kiermen ora cu nos lo drenta den gobiernu, nos tin cu hinca man den tur cos pa drecha tur cos, pa saca di tur bomboshi y claro un di e prome cosnan cu nos ta bay traha riba dje duro ta pa baha costo di bida y tambe nos tin nos studiantenan cu no kier ni regresa Aruba."

Pa partido UPP nan tin un reto hopi grandi nan dilanti y cu nan kier haci di Aruba un miho pais, "nos lo kier enfoca riba cunukeronan cu no ta haya atencion nunca, esey ta esun cu nos kier yuda pa nos engrandece nos agricultura sin tanto problema manera den ultimo 8 aña cu nos a experiencia," el a finalisa.

RAIZ: Meta ta pa trece back dignidad economico di comunidad



1. Ursell Arends
2. Raymicheline "Misha" Raymond
3. Randall Leong
4. Raymond Kamperveen
5. Carlos Guiamo
6. Twyma van der Biezen
7. Aron Verschuur
8. Luigi Rasmijn
9. Marisabelle Croes-Arends
10. Anouk Valentina
11. Kinsasha van der Blierk

Despues di haci entrega oficial di e lista di candidatonan di su partido, lider di RAIZ Ursell Arends a informa cu eleccion aki RAIZ ta conta cu 11 candidato pa eleccion parlamentario di dia 6 di december.

Den su declaracionnan na prensa, Arends a enfatisa cu e 11 candidatonan riba lista di RAIZ ta profesional- y lider- nan den comunidad cu ta uni nan mes na plataforma RAIZ pa sigui eherce e politica cu RAIZ a priminti pueblo desde un comienso. "Nos ta zorg pa convence pueblo pa nos por haya e frutonan cu nos merece pa nos por haci nos trabou den Parlamento y den Gobierno di Aruba," el a remarca. El a enfatisa cu e meta di RAIZ ta pa trece back e dignidad economico di henter e comunidad. Locual el a subraya ta rekeri cambio di un actitud tanto den Parlamento como for den gobernacion y tambe den comunidad. "Si bo kier un gobernacion drechi bo mester tin hende bon tambe na e lugarnan corecto. Esey ta loke nos ta bay traha riba dje," el a indica. Arends a menciona cu un di e temanan cu nan a para pe caba ta garantisando oportunidad igual y ta uno, el a remarca, cu nan lo sigui traha riba dje pa oportunidad igual yega na cada hogar. Por ultimo el a enfatisa cu RAIZ tin un plan di partido solido cu nan ta bay presenta na comunidad pa gana nan confiansa. El a agrega cu e reaccion cu nan ta haya di comunidad ta muestra hopi positivo, pero enfatisa cu e partido ta bay traha duro pa nan mensahe por yega den tur hogar pa nan por sigui conta cu e confiansa di comunidad. "Esey ta nos meta. Ningun voto ta garantisa. Si bo kier logra bo meta bo tin cu traha, loke bo pone aden ta loke bo ta ricibi y esey cada un di nos ta bay haci," el a subraya.

MEP: "Cada reto ta bin cu su oportunidad y e retonan aki ta haci nos grandi"



- | | |
|--------------------------------|--------------------------------|
| 1. Evelyn Wever-Croes | 16.Ricky Hook |
| 2. Dangui Oduber | 17. Shannon Henriquez |
| 3. Xiomara Maduro | 18. Erwin (Wino) Lopez |
| 4. Endy Croes | 19. Erick Guezer |
| 5. Rocco Tjin | 20. Michelle Steenwoords-Lacle |
| 6. Hendrik Teverden | 21. Nataly Arends |
| 7. Edgard Vrolijk | 22. Shirley Rafinri |
| 8. Shailyn Tromp-Lee | 23. Stephanie Croes |
| 9. Senny Christians-Yarzargary | 24. Jaime Winterdahl |
| 10. Alvin Molina | 25. Nolan Thomas |
| 11. Shurissa Arends-Tromp | 26. Chito Geerman |
| 12. Rodymar Geerman | 27. Jeffrey Schuilenberg |
| 13. Marco Belris | 28. Rene Kock |
| 14. Aldrin Lampe | 29. Marceyaine Paskel |
| 15. Natalie Geerman | |

Compañia pa un multitud di hende lider di partido Movemento Electoral di Pueblo (MEP), prome minister demisionario Evelyn Wever-Croes, a yega Censo pa haci entrega ofocial di el ista di candidatonan di su partido, cu ta cosnisti di un total di 29 candidato.

No ta un secreto cu den e ultimo simannan partido MEP a encontra diferente reto cu e retiro di dos minister den un siman. Wever-Croes a remarca cu cada reto ta trece oportunidadnan nobo.

Segun el a indica partido MEP ta e partido cu a presenta e miho lista politico na cantidad di hende, na calidad di hende y a keda cla cu e lista den harmonia, locual el a resalta, tambe tin di haber cu e retonan cu nan ta encontra.

Un punto cu el a trece dilanti, cu tin di haber cu e mocion di desconfiansa contra sr. Endy Croes,ta cu hobennan a desaproba esaki. Segun el a menciona, hobennan den comunidad ta rechasa loke e parlamentarionan mas hoben den parlamento, refiriendo entre otro na parlamentrio independiente Gerlien Croes y parlamentario Miguel Mansur, pasobra e hobennan no kier vengansa. Contestaando e pregunta si a casi yega na un colacion pa gobernacion un biaha si tin un partido cu nan ta descarta pa forma coalicion cune, e lider di MEP a remarca cu na e momentonan aki e unico partido cu semper nan ta descarta pa traha cu nan ta AVP. "Den e liderasgo cu nan tabatin pasobra e ta un partido cu ta brasa corrupcion. Mester bay wak e lista y wak si e elemento di brasa corrupcion ainda tey," el a subraya.

AVP a entrega lista oficial cu un cambio sorpresa



- | | |
|--------------------------|---------------------|
| 1. Wendrick Cicilia | 16.Chris James |
| 2. Mike de Meza | 17.Conny Connor |
| 3. Arthur Dowers | 18.Maria vd biezen |
| 4. Stephanie Sevinger | 19.Gillian Lopez |
| 5. Mervin Wyatt-Ras | 20.Diana Bikker |
| 6. Jennifer Arends-Reyes | 21.Clyde Burke |
| 7. Clifford Heyliger | 22.Jennifer Franken |
| 8. Sonaly Acosta | 23.Madeleine Kelly |
| 9. Carlos Bermudez | 24.Adeline Oliveira |
| 10.Marlon Sneek | 25.Astrid Vries |
| 11.Otani Thomasia | 26.Ferdinand Franca |
| 12.John Hart | 27.Norman Roos |
| 13.Dennerick Kelly | 28.Zuleika Wever |
| 14.Jamila de Mees | 29.Mike Eman |
| 15.Junior Croes | |

Compañia pa un cantidad grandi di su siguidornan, partido AVP a yega Censo pa entrega nan lista oficial di candidatonan pa eleccion. E lista inicialmente tabatin lider di partido Mike Eman como e cnadidato number uno, pero despues di entrega e lista Eman a anuncia un cambio sorpresa.

Despues di haci entrega oficial di e lista di candidatonan, sr. Mike Eman a anuncia cu tin un cambio den secuencia di candidanotnan y a introduci Wendrick Cicilia como e candidato number uno riba e lista, locual ta nifica cu su persona a bira candidato number 29.

Un cambio cu tabata un sorpresa pa hopi, pero segun Eman mes a indica, e conoce Cicilia for di basta tempo caba y ta guia e hoben den e caminda di politica di partido AVP y e ta sinti cu e ta cla pa e responsabilidad nobo aki. A pesar cu diahuebs anochi na cede di AVP durante evento pa anuncia e lsita oficia, tabatin hopi malcontetno di parti di algun candidato y nan siguidornan pa e secuencia di e lista, e cambio aki, segun el a indica, ta un desicion tuma pa partijraad di AVP. Esaki ta e di dos eleccion cu e hoben Cicilia ta participa den dje y aworaki e tin e responsabilidad di lijsttrekker nobo pa e partido. Durante su declaracionnan na prensa, Cicilia a enfatisa cu partido AVP ta un partido cu semper ta cla pa governa. "Nos a prueba eski den pasado cu plannan concreto y ora nos trece plannan concreto nos ta checutanan tambe. E 10 puntunan cu nos a presenta nos ta bay checutanan pa trece back calidad den gobernacion. Bon gobernacion, un gobierno cerca di su comunidad," el a resalta.

RED: "Si defacto bo kier mira cambio bo tin cu vota partido RED Demcoratico"



- | | |
|--------------------------|--|
| 1. Ricardo Croes | |
| 2. Randolph Kock | |
| 3. Oriana Baez | |
| 4. Fejite Zijlstra | |
| 5. Thomas Ruiz | |
| 6. Jairzinho Tromp | |
| 7. Aaron Giel | |
| 8. Francisco Mejija | |
| 9. Victoria Perez | |
| 10. Armando 'Rudy' Lampe | |

Ayera tardi partido RED Democratico, lidera pa sr. Ricardo Croes a presenta su lista di 10 candidato cu ta busca nan participacion den eleccion dia 6 di december. Cu algun cara nobo y algun ya caba conoci, Croes a enfatisa cu e partido y su candidatonan ta cla pa sirbi Aruba.

"Nos ta sigur cu nos ta cla pa sirbi e pais aki pa hiba un tremendo campaña den nomber di partido RED Democratico ilustrando kico tur nos ta para pe den e campaña aki y den e siguiente gobernacion," el a remarca. El a señala cu partido MEP, cu tabata den colacion cu partido RAIZ te na momento cu gobiernu a cay dia 9 di september ultimo, tin un modus operandi den cual nan ta tira gobiernu abou cu un excusa "hopi fofu mes." Pero di banda di RED e modu operandi ta cu e interes general mester prevalece y interes general ta nifica, el a indica, bienestar pa comunidad completo y no pa yun grupo, famia of amigo. Croes a enfatisa cu e pais aki mester un cambio di berdad, mester integridad, vision y oportunidad, y esaki, el a resalta ta loke su partido ta ofrece. "Costo di bida ta impagabel. Si bo kier un cambio di berdad bo tin cu vota pa partido RED Democratico," el a subraya. El a indica cu su partido no ta haci prome cu nan no por cumpli y a menciona cu tin ta bisa cu RED no a cumpli cu legalisacion di cannabis, locual el a sigura no ta berdad pasobra esun cu mester a cumpli tabatin 11 asiento y RED tabatin solamente un asiento. "Si defacto bo kier mira cambio bo tin cu vota partido RED Democratico, nos ta e unico alternativa anticorupcion, cu no ta bou investigacion. Pueblo bo voto ta un arma poderoso, e ta den bo man e destino di e pais aki. Vota bon, vota sabi y vota conciente," el a enfatisa.

ACCION 21 a presenta su lista di 10 candidato



1. Miguel Mansur
2. Zoey Conijn-Berkel
3. Joase-Anne van der Biest
4. Gerald Vingal
5. Hans Zaandam
6. Abigaël Arends
7. Flora Petronilia
8. Raymundo Dijkhof
9. Antonius Schouten

Lider di partido ACCION21 Miguel Mansur a presenta un lista di nueve candidato pa participa den nan segundo eleccion.

Den su declaracionnan na prensa el a informa cu e partido su enfoke ta bay ta cuater punto: e prome ta elimina pobresa na Aruba. El a splica cu tin un economia di riba 7 biyon florin cu un poblacion di 107 mil, pero ta wak cu 27% di hogarnan ta biba den necesidad locual pa e partido no ta aceptabel. Punto number dos ta e crisis ecologico, number tres ta revitalisacion di San Nicolaas y number cuater ta redisenamento di e sistema fiscal. Den esaki el a splica cu mester rediseña con gobiernu ta financia su mes y con cobra belasting. El a indica cu e sistema actual ta anticua y pues un reforma fiscal comprensivo ta na su luga. "Realmente pa economia florece y crece y mas importante cu tur cos traha pa tur hende. Acutalmente esey no ta e caso," el a resalta. Mansur a indica cu e partido su lema ta "Ban biba miho". Esaki ta encera cu pa tur hende na Aruba tin un medio ambiente sano, comodidad financiero, enseñansa di calidad, salubridad di caldi, y hopi di e puntonan aki, el a menciona, ta bin di e ultimo plan di partido. Pa loke ta formamento di lista, el a splica cu esaki a bay relativamente facil y a haciele di un forma democratico caminda tur miembro di conseho di partido ta vota y a base di puntuacion nan a traha e lista. El a agrega cu si tabatin algun candidato cu kier a bin riba lista, pero pa motibo di tempo cortico no a logra. "E ta un lista kizas mas cortico cu nos a desea, pero mi ta hopi orguyoso di e team," el a enfatisa.

Di su banda, sr. Geoffrey Wever a indica cu nan a ayega na e lsita final a atrevs di deliberacion hunto y nan tabatin tambe un comision cu asisti den esaki. "Nos a balansa e experticio y relevancia cu cada persona por trece pa e partido y asina a yega na e lista. A discuti esaki cu e candidatonan y esaki a bay den bon ambiente, tur hende ta satisfecho y ta compronde nan rol," el a indica.

Partido Patriotico di Aruba (PPA)

- | | |
|----------------------------------|---------------------------|
| 1. Othmar Oduber | 9. Ildio Dumfries |
| 2. Eduard Pierlez | 10. Arthur Paneflek |
| 3. Lisette Winklaar-Franken | 11. Charles Bennett |
| 4. Rudy Richardson | 12. Edgard Suñe Leon |
| 5. Rigoberto Sint Jago | 13. Kevin Ka Ghie Yee |
| 6. Marc Lindero Fowler | 14. Shanwar Briezen |
| 7. Ainsley Leonard Kelly | 15. Wilson Tavaréz Portez |
| 8. Gabriela Gonzales O. Calderon | 16. Jacqueline Woodley |

FUTURO: "Aworaki Aruba ta conoce un alternativa"



E ultimo partido di dia cu a yega Censo pa entrnga su lista oficial di candidatonan tabata e partido nobo FUTURO, lidera pa parlamentario independiente Gerlien Croes, hunto cu ex miembro di partido RAIZ y ainda minister demisionario pa dicho partido, sr. Geoffrey Wever.

Partido FUTURO tinun lista di 10 candidato y durante su declaracionnan na prensa Croes a gradici tur cu ta duna e partido sosten y ta duna oprtunidad pa nan comparti nan pensamiento y pa duna Aruba e speransa. "Aworaki Aruba ta conoce un alternativa, un partido nobo cu ta representa contenido, cu tin profesionalnan cu e capacidad pa comparti e mesnahe corecto cu Aruba y no un politica di sensacionalismo," el a remarca. Croes a subraya cu aworaki Aruba tin hopi prioridadnan grandi pa atende cune y esey ta e motibo pakico FUTURO a crea un sinergia di personanan cu tin conocimiento y experiencia. "Nos ta orguyoso y alabes nos ta cla pa e etapa aki," el a expresa. El a splica cu su partido a bin ta prepara no awo, pero pa varios tempo caba pa por duna contenido real na locual nan kier presenta pa Aruba lagando politica di cutumber un banda. "Aruba kier sa unda nos ta para realmente, unda nos kier hiba pais Aruba y ken ta bay carga e desicionnan mas importante pa Aruba na e momentonan aki," el a agrega. Den su banda, sr. Geoffrey Wever a indica cu nan a ayega na e lsita final a atrevs di deliberacion hunto y nan tabatin tambe un comision cu asisti den esaki. "Nos a balansa e experticio y relevancia cu cada persona por trece pa e partido y asina a yega na e lista. A discuti esaki cu e candidatonan y esaki a bay den bon ambiente, tur hende ta satisfecho y ta compronde nan rol," el a indica.